

地350  
43  
部2-67

第六十七冊

卷一百十五

祠祀考七

卷一百十六

祠祀考八



新纂雲南通志

盧漢題  
簽



新纂雲南通志卷一百十五目錄

祠祀考七

寺觀二

雲南府二

新纂雲南通志卷一百十五

祠祀考七

寺觀二

雲南府二

富民縣

清泰庵

在郭外里許富民縣志

普濟寺

在城東四里富民縣志

觀音寺

一在城東五里一在城西三里富民縣志

應護寺

在城東南五里富民縣志

萬慶寺

在城東南二十五里又名響水寺富民縣志

玉皇閣

在城外橋南明嘉靖間建萬曆間修富民縣志

新纂雲南通志

卷一百十五 祠祀考七 寺觀二

覺海寺

在城南四里元時建雍正志

淨源寺

在城南十里下出溫泉富民縣志

涌泉庵

在城南十里富民縣志

靈芝寺

在城西南五里元延祐初建闢地得靈芝五本故名雍正志

西雲庵

在城西四里清康熙三十七年建富民縣志

留雲寺

在城西北五里清康熙三十五年建富民縣志

西華庵

在城西北二十五里九峯山富民縣志明初僧靈約創建富民縣志探訪

眞武祠

在城北五里明萬曆間知縣許成德建富民縣志

法華寺

在城北五里明萬曆間知縣許成德因河水爲患建此鎖

水富民縣志

靈鳥寺

在城北二十里富民縣志



案採訪尚有福慧庵  
伏龍寺俱在境內

### 宜良縣

水蓮寺

在城東七舖邑民王國棟建宜良縣志清光緒八年重建光緒志

龍山寺

在城東五里龍山頂元僧智明建明僧本祐重修宜良縣志

雲泉寺

在城東南二十里雲泉山俗名陡坡寺明僧性空建宜良縣志

甯壽庵

在城南二里宜良縣志

朝陽庵

在城南五里明末建宜良縣志

玉滙庵

在城南五里宜良縣志

靜樂庵

在城南八里宜良縣志

水潮寺

在城南十里黑羊灣明邑人張德明建宜良縣志

伏虎寺

在城南十五里宜良縣志

新纂 雲南通志

卷一百十五 祠祀考七 寺觀二

二

白蓮寺

在城南三十里麩人村有檜最古宜良縣志

溫泉寺

在城南三十里宜良縣志

西華寺

在城南三十里宜良縣志

石寶庵

在城南三十里明隆萬間建宜良縣志

石峯寺

在城南四十里清同治十年建光緒志

竹林寺

在城南六十里宜良縣志

三教殿

一在城南狗街一在城北回回村宜良縣志

九龍寺

在城西南二十里宜良縣志

雲臺寺

在城西南五十里雲臺山明僧建宜良縣志清咸豐間兵燹燬光緒志

彩雲閣

在城西門外教場宜良縣志

翠峯庵

在城西大村宜良縣志

地藏寺 在城西二里宜良縣志

石佛寺 在城西五里宜良縣志清咸豐七年兵燹燬光緒間重修光緒志

巖泉寺 在城西五里巖泉山上有祖師殿三教殿中有千佛殿山

頂有玉皇閣宜良縣志清光緒六年重修光緒志

附明李名世巖泉寺詩道光志

翠壁丹巖澹夕曛往來鹿鶴自成羣  
仙人只在青空外遙隔桃花一片雲

萬福寺 在城西二十里湯池湧金山又名火龍寺宜良縣志清道光十三

年地震圮二十九年知縣達洪阿重建光緒志

附明修撰成都楊慎萬福寺詩道光志

寺臨飛鳥外樓出掛虹端山翠沈雲暗湖舟染雨寒因巖鑿戶牖依石構巖岫  
雙樹蟬棲穩一花人折難陰霞仍半沒晚靄試橫看幽對登高賦仙毫點筆瀾

瑞光寺 在城西三十里明僧中和建宜良縣志清咸豐七年兵燹燬同治

新纂雲南通志

卷一百十五 祠祀考七 寺觀二

三

六年住持圓亮建光緒志

白雲茶庵 在城西北十里老大坡靖安哨明時建設田資香火煮

茶以濟行人宜良縣志

萬壽宮 在城北門外宜良縣志

湧泉寺 在城北又北關內有桂萼樓宜良縣志

眞武觀 在城北八鋪明初建儒學耿曜修宜良縣志

禮拜寺 在城北回回村宜良縣志

鎖水閣 一在城北五百戶營一在北古城一在化彝村宜良縣志

之水庵 在城北十里宜良縣志

附舉人周澤浦之水庵詩道光志

削壁疑無路捫蘿入化城長河奔岸曲孤嶼隔沙明  
地僻階成藓僧履骨更清竹枝閒自捉臺臺說無生

秦家庵 在城北十里宜良縣志

寶洪寺 在城北二十里寶洪山一名報國寺明時重修上有蘿月

庵華嚴樓宜良縣志清咸豐七年兵燹燬光緒志

法明寺 在城內東北山頂唐僧摩伽陀建胡敬德重修明崇禎間

知縣楊述明倡修宜良縣志清光緒間住持真侑募修光緒志

羅次縣

彌勒庵 在城東一里羅次縣志清光緒十五年邑紳張廷弼等勸捐重修

羅次縣探訪

玉龍寺 在城東五里林幽泉潔頗稱靜雅羅次縣志清光緒十八年修羅次縣探訪

訪

祇陀庵 在城東穹盪山相傳祇陀太子修行於此今庵廢址存雍正志

清淨寺 在城東八十五里可里郎羅次縣志清光緒十一年修羅次縣探訪

雲影庵 在城東南五里玉龍山左奉盤龍禪師羅次縣志清咸同間兵燹

光緒五年修羅次縣探訪

大覺寺 在城東南二十五里羅次縣志清咸豐間兵燹光緒五年邑人鄧

嶷山江映奎倡建光緒志

三元宮 在城南碧城河外羅次縣志清咸同間兵燹光緒十八年邑紳王

際泰等籌修羅次縣探訪

翔鳳庵 在碧城河外邑人許翔鳳建楊廣德修羅次縣志

亦樂庵 在城南沙龍羅次縣志

金華庵 在城南五里羅次縣志清光緒八年邑紳楊昌等籌款補修羅次縣探訪

月影庵 在縣東山山如月影故名萬曆志清咸豐七年兵燹燬光緒元

年士民張翹張玉珍倡建光緒志

靈通寺 在城南二十里羅壩舊縣羅次縣志清咸豐間兵燹燬光緒元年

千總李春明倡建光緒志

圓覺寺 在城南二十里樊廠左羅次縣志清嘉慶九年修羅次縣志

淨居庵 在城南二十五里羅次縣志清光緒八年修羅次縣志

海潮庵 在城南二十里甘鐵莊明張吉倡建羅次縣志及採訪

廣覺寺 在城南三十里臥龍山羅次縣志清光緒三年修羅次縣志

三華寺 溪木嶺茶庵 水雲庵 吼雲庵 俱在城西南一百二

十里煉象羅次縣志

眞慶宮 在城西八里煉甸羅次縣志清咸同間兵燹光緒元年邑紳夏澤

偕衆捐修羅次縣志

新纂雲南通志

卷一百十五 祠祀考七 寺觀二

五

青龍庵 在城西十五里小祿豐羅次縣志清光緒五年修羅次縣志

迎祥寺 在城西二十里白沙村羅次縣志清咸豐七年兵燹燬光緒元年

邑士王裁成李特達倡建光緒志光緒十七年邑紳李宗佑陳發春等

重修羅次縣志

聖化寺 在城北門外雍正志清光緒十三年修羅次縣志

永泉寺 在城北八里羅次縣志

觀音寺 在城北十五里嵩華山羅次縣志清咸豐七年兵燹燬光緒四年

邑人張淮清李春張存貴等倡建光緒志

吉祥寺 在城北二十里羅次縣志清咸豐七年燬於兵光緒三年邑士蕭

正昌李才等倡建光緒志

大悲寺 在城北二十里小營村羅次縣志清咸豐七年兵燹燬光緒四年

士人趙玉華倡建光緒志

回龍庵 在城北三十里左所羅次縣志清光緒五年邑人楊應貴等補修

羅次縣探訪

松雲庵 在城北三十二里得莊羅次縣志清光緒四年修羅次縣探訪

北極宮 一在大廠一在鳴雞寨羅次縣志均清咸豐兵燬光緒間邑紳何

義李登雲等籌修羅次縣探訪

案探訪尚有霞峯寺虎溪寺朝陽寺俱在境內

晉甯州

萬松寺 羅漢寺 竝在城東萬松寺建自唐時羅漢寺為元時蓮

峯禪師所建清寺僧段融重修雲南府志參探訪

盤龍寺 在城東五里山秀泉幽萬松葱鬱元至正間神僧蓮峯建

新纂雲南通志

卷一百十五 祠祀考七 寺觀二

六

明初僧祖源重修雍正志布政張統更其額曰具足禪院清曆志清雍正元

年僧宗一取南藏佛經貯於藏經樓晉寧州志咸豐十年兵燹燬光緒五

年士民重建正殿光緒志有蓮峯祖師誓願碑詳金石考

附張統記景泰圖經萬曆志

天地之間人類甚夥其保養輔翼之道不惟中國聖人與教化以移風俗雖遠域殊類其間亦有卓行異議超出羣倫能因其俗而導之者蓋五兵之慘四夷為甚彼性若豺虎然固不可以仁義喻也故佛氏以因果之說倡於西方流於遐邇得其說而悔其過者不為不多然而冥然無知悍然不顧者猶爾也西南諸種曰爨曰獠曰夷而旁擊庶醜又不可悉紀獨其人修繕刹宇尋襲師宗事佛惟謹餘種皆不知信蓋其氣習使然無足怪者洪武壬戌天兵下雲南予首悉藩政地僻俗殊每寥寥無與語暇則徑詣諸山見其宏麗整飭宛如華制輒心目灑然忘其於旅也明年癸亥夏五月省事晉寧此州之東不踰十里有山深秀萬松織翠無隙可窺中有勝利亦可謂宏麗而整飭者遂宿院之西軒與僧夜話問其與制之由知其為崇照號蓮峯者實經始於至正之丁亥而同志無文等相之庵本一湫有龍宅焉照公祝之曰吾謹候於水左寺果不成當有異兆不然道場其在此矣凡候三晝夜竟無所見於是遂致其土木之功而名之曰盤龍迄今三紀照之嗣祖源克肖厥師肯構之心有加無替凡今視之佛有殿禪有堂肅賓有庭居僧有室高者為閣啟者為軒幽邃者為寢而華且澤者為金碧彩黝維其矢心之專致力之久故其所成者如此其完且美也今思其始而推其終照之德源之功皆吾輩之所不敢忘第恨無言以示於後焉予應之曰庵之得名有是乎蓋山川之迹古今或異而法之在世者固自若也一錫之所或創始焉或繼述焉隨其所願各已具足而性之本然者又豈有不具足者哉宜以庵為院更其額曰具足庶不負爾續燈之志矣一日祖源來請曰晉寧經值兵燹而寺不燬源與二三子與有幸焉意者此土之庵其遠乎是不可以無辭敢請予既憫諸夷之寡識而喜爽人之易化特為敘其本末俾歸而紀諸石



附明舉人唐堯官盤龍寺三首道光志

野寺盤龍古登臨二月天山門遙對海石壁灣生煙  
淨域三乘近梨花一徑偏何當謝塵鞅於此奉金仙

畫閣中天起崎嶇石磴重客游春載酒僧飯午鳴鐘  
樹老棲雙鶴泉幽瀉五龍心閒無一事揮塵自從容

古木畫陰陰亭高翠欲沈酒杯疏世事水石見禪心  
竹榻閒堪臥蓮峯幻可尋寒林風乍起疑是海潮音

斗母閣 在盤龍山清光緒五年重修光緒志

玉皇閣 在盤龍山明嘉靖間段永盛洪永誠同建晉寧縣志

元和宮 在盤龍山明嘉靖間州人段經建晉寧縣志

三元宮 在城南今改建小庵雲南府志一在大西村一在石嘴一在河泊

所一在三家村一在文家河晉寧縣志

法輪寺 在城西南隅宋時建雍正志

金砂寺 在城西五里金砂山一名寶嚴寺元時建雲南府志

西甯寺 在城西五里元時建邑人趙越修晉寧州志後圯清道光三年復

修光緒志

天仙宮 在城北門內清乾隆四十九年建光緒志

保莊庵 在大莊村清康熙間建光緒三年重修光緒志

牛王寺 一在下營村清康熙間建一在新街道光三年修光緒元

年重修光緒志

慈照寺 一在大樸寺村清嘉慶二十五年建一在康樂村乾隆五

十六年重修光緒志

望鶴宮 在小寨村清乾隆三十年州人建光緒七年重修光緒志

玉皇閣 一在大西村明崇禎間建清嘉慶五年修一在梁王山嘉

慶十年重修一在金砂村嘉慶間修光緒志

萬福宮 大佛寺 竝在城北雲南府志

迎恩寺 在城北草村雲南府志

大寺 在下石美西山清乾隆四十八年重修光緒志

桂香閣 一在下石美清道光二年修一在金沙村嘉慶十八年重

修光緒志

普安寺 在福安村清嘉慶十四年重修光緒志

三清殿 一在福安村明崇禎間建清嘉慶七年重修一在小陳村

乾隆四十六年建一在金沙村乾隆四十六年重修光緒志

大悲寺 在上西河村清道光九年重修光緒志

瑞國寺 在新街清嘉慶五年修光緒十一年重修光緒志

回龍寺 在新街清嘉慶二年重修光緒志

新纂雲南通志

卷一百十五 祠祀考七 寺觀二

八

永豐寺 在大黃家莊清乾隆六十年重修光緒志

寶華庵 在城東州人劉漢東建雲南府志

觀音寺 在城西百花山寺前有催生橋光緒志

案光緒志載州境內尚有東甯寺在城東大營東甯庵在方家營東方青帝廟如意宮彌勒庵俱在城東門內大千廟百花山寺金海庵在城西門外酒仙殿天仙宮在城內西北三教殿有八雲照寺在大營村華光寺在中營河東斗母閣在魯納山西竺寺在大

西村五穀寺在下石美三義廟在上鐘貴迎峯寺雲龍禪院慈雲寺俱在王家壩樂善庵在余家溝中央宮介福寺在呂家營三臺宮在新街元天宮在灣村海雲庵在團山靈光寺在小周營太和宮在楊家莊海浴寺在沙堤村子孫殿在金沙村水月樓一在城

南門外一在河泊所咸豐間先後燬於兵皆舊志所未載者又據採訪觀音寺有十五所

呈貢縣

白雲寺 在城東五十里羅藏山清咸豐七年兵燹燬光緒志

槐陰寺 在城東十里大王家營光緒志

聚秀樓 在城東十里大王家營清同治七年兵燹燬今重修光緒志

迎龍寺 在城東小西舟村光緒志

正覺寺 在城東南吳傑營呈貢縣志清同治七年燬於兵光緒三年村人

士李蔚文等重修光緒志

遍照寺 在城東南明洪武間建雍正志

福祿宮 在城南門內道光志

萬壽寺 在城南門外有柏二株為百年物呈貢縣志

龍翔寺 在城南里許下即龍街地呈貢縣志

對華寺 在城南大漁村雍正志

來清寺 在城南可樂村光緒志

福壽寺 在城南五里可樂村內有奎星閣清咸豐十一年兵燹燬

後邑生楊開泰等續修光緒志

松隱寺 在城南杜曲村呈貢縣志

新纂雲南通志

卷一百十五 祠祀考七 寺觀二

海寶寺 在城南安江村呈貢縣志

附明知縣游一清海寶寺詩道光志

古木龍樞帶薦羅孤亭四望足煙波遠山有態堆青鬢平水無風熨綠羅  
斷鷺暮連漁火起片帆時掛夕陽過眼前無限供幽賞剩欲披衣紉菱荷

慶符寺 在城南豐樂村清嘉慶九年修道光志

永興寺 在城南常樂村清乾隆元年建道光志

慈心寺 在城南十五里光緒志

降龍寺 在城西南古城光緒志

碧瀾寺 在城西南古城呈貢縣志

石龍寺 在城西南海晏村呈貢縣志

大梵宮 在城西斗南村明初建內古柏一株為建寺時植今已合

抱柯逼殿角村人曲殿檐讓之光緒志

垂恩寺 在城西南烏龍浦呈貢縣志

觀音殿 在縣治西道光志

海潮寺 在城西江尾村道光志

水月庵 在城西斗南村庵右有桂香閣道光志清同治七年兵燹燬十

三年村民張文蔚等倡建光緒志

鳳翥宮 在城北三臺山可望昆池雍正志清咸豐七年兵燹折毀呈貢縣志光

緒十一年重建呈貢縣採訪

玉皇閣 一在三臺山頂呈貢縣志一在城南安江村池心突起平島建閣

其上景極清奇光緒志清同治間馬忠重修呈貢縣採訪

三元宮 在城北白雲村呈貢縣志

寶月庵 在城北練朋尾光緒志

安寧州

昊天閣 在城內太極山巔明正德四年宣威將軍王琮建清雍正

六年士民重修安寧州志咸豐間兵燹折毀光緒八年士民重修光緒志

眞武殿 在昊天閣下明洪武二十八年守禦千戶胡徵建天順間

千戶李昇增修安寧州志清咸豐間兵燹折毀光緒八年州人等重建光緒志

龍寶寺 即戲珠禪寺在螳川東唐時建明萬曆間僧圓星修清康

熙間知州高珍重修安寧州志同治八年兵燹燬光緒八年住持眞榮募

建光緒志

華嚴寺 在城南舊三泊縣內一名大雲寺元僧大雲建後廢明正

統中僧古庭寓其內夢大士告曰木樨樹下有碑試掘之果得大

雲舊記遂募修焉雍正志

白衣庵 在舊三泊縣安寧州志

珍泉寺 盛柏庵 竝在城南鳴矣河安寧州志清咸豐九年均燬於兵同

治十一年六甲士民重建光緒志

湧泉寺 在城南小龍潭安寧州志

守心庵 在城南七街子安寧州志

聖佛寺 在城南馬廠安寧州志

巖泉寺 在城南木廠泉自巖洞湧出瀆激若雷雲南府志

慈雲寺 在城南二十五里雲龍山頂僧眞量建安寧州志清咸豐七年燬

於兵同治九年三泊舊縣士民重建光緒志

水月庵 在城南二十五里清道光十九年好義村士民建光緒志

石寶庵 在城南三十里清道光三年村民同建光緒志

新纂雲南通志

卷一百十五 祠祀考七 寺觀二

一一一

翠林寺 在雲龍山北明萬曆二十年建雲南府志清光緒三年三泊舊縣

士民重建光緒志

玉皇閣 三元宮 俱在城西草鋪安寧州志清咸豐七年兵燹燬光緒九

年本處士民重建光緒志

大千寺 在城西六十里祿滕村安寧州志清咸豐十年兵燹燬燬過半同

治十一年村中士民重修光緒志

曹溪寺 在葱山之麓宋時建寺左里許一泉名聖水日三潮中有

金蟆人或見之清康熙三十年巡撫石文晟按察使佟世雍重修

雍正志寺中有優曇花樹又有聖水塔一名清禪塔在寺之右一統志內有

寶華閣閣旁有護花山房總督范承勳建道光志同治八年兵燹全燬

優曇樹尚存光緒七年住持續慎募修光緒志

附明楊慎重修曹溪寺記

道光

連然金方堂川寶地蔚何名藍實曰曹溪衡六祖之雲席分一勺之法流逸乎遠矣原斯地也有異境焉伏流上泉潮信日三漸至科盈慶利罔二爰有金蟾號曰神泉十其出潛定為潮候林木翳蒼人境頓隔旁列洞穴石宇宵窳禪棲影息時翔歲集松籟鳥韻且衍魚山之音風柯月渚夕滿龍湖之境彈木斜埃陶鑄塵想賞洽既并纏河用弭相傳此宇在昔盛世樓殿撐天梵嘖沸地福田連陌歲入千鍾香積食指無慮近萬而以烽煙鎖其記刻苔露蝕其青紺并使日月湮於誰劫名氏墜於初日昔也嘉靖壬辰釋子道成擇孟夏結大期矢丹誠宏勝願爾時雙林五衆附影成羣遂肯廢燼以取新存什一於千百祀證重耀法鼓再朗可謂克明師匠無忝宗風即其用心亦良苦哉升庵子流成演陰遺情繫表斯地斯徒蓋數晨夕因其懇請而著茲記垂後觀俾無壞

附明楊慎寶華閣記

道光

茲羅英卉吐澤早於淮陰苦提貞芳兆與替於姚雋雖曰稱奇法域總未離滌情塵豈若優曇琪樹鉢羅寶華天宮分種而難蒔星封尋聲而未見昔衣聞於真丹茲摘彩於名藍非夫瑞叶化人之天祥鍾仙陀之地疇克標異祇林呈特奈苑哉安寧州曹溪寺者連然之勝壤鄴闡之叢林也悲田鹵莽覺路榛蕪絕慈航於支祈碎斷碑於最賈遂令道遙淨土鞠為羅刹魔宮有五葉禪師諱道成者免鹿小乘龍象大法籬前錫紫剛證秋蛾赴證對御譚玄正况春鸞作繭樂雲林與煙島誓枕谷而棲邱卜茲禪宇燭可息心迺捐法貲鼎新梵刹鑿山鑿壑開荷精舍運斤乎成風仁祠輪奐乎不日飾瑩珍龕鱗次瑤簾危樓虹帶層觀羣飛珍木相繚芳草交茂閣前有奇樹一株計年百稔忽放異花雙殊凡質顏如白蕤香徹紫霄時富朱炎靖崇曦於卓午芬澄赤日散馥鬱於諸天煙雜牛頭之旃檀品高鷄舌與薺薺方趙州之竹則螢燭與龍燭爭輝比靈雲之桃實魚目共蛇珠竝耀僧緜詎假凹凸丹青孫氏當圖蕙蕤瑞應矣唯茲黑白衆士欲假琳瑯以傳乃樹豐恆用敬來禪其辭曰仙陀寶花曷用凌霞枝繚紺雨葉覆金沙騰芳錦地颺彩銀閣慧日光照慈雲不遮共命文鳥一角神闕來萃來止不驚不諱河吹流若江隨疏麻香風吹萎瑞靄分葩爰有德士來駐三車一花傳印雙橋為家慈航濟苦功池蕩邪心鏡夜耿意蕊晨睽空消五蘊默定千差珠林龍象珂漚驅驅經行晏坐黑白博又盤桓寶椀玲瓏寶丫寶華光幢寶蕾含齋紫脫謝潤丹茵揜嘉愛比蒂棠摘詎捫瓜傳馨天永記荊匪誇

新纂雲南通志

卷一百十五 祠祀考七 寺觀二

附范承勳護花山房記

道光

南中多異花木大理和山傳為仙種及會城土主廟樹亦然曹溪又其一也和山花歸根園苑久矣而與蒼雪海月猶并膾人口土主裝羅為標焚焚勺蠶朽有年曹溪寶樹見伐蜀寇自是鮮遺種矣予每浴溫泉必風乎茲寺及摩升庵楊先生碑讀之見其稱香道異心切慕樂今歲仲春祇奉太夫人安輿至泉又履其境乃命僧導至故所出門左數十武則見雜植千霄棘鍼布地蓋寺僧運礫壘土插荆茨以禦暴客牛羊培凡材利其易長以供蘇爨而茲樹之故根藥生者已二十尺亦偃僂視息於惡林叢灌之間傷哉樹也亟命利斤粗具斧鑕斬伐其壅抑而勿使之挺植者爬梳其華碩之叢集者牽削其葳蕤之所微纏而俾憔悴者除惡務盡靈根乃出貝葉淨礎蒼柯玉立檀藥擢秀既紛披而向榮敷坐垂陰亦華滋之耀色矣視其旁鐵石礫礮奔獸伏位置咸臻妙理厥有條枚蔽虧左右巨細亡慮數十莖刊既施遂如部曲之俯就行列儼尊卑主輔不紊其焉嘉哉樹也而乃負石度地築舍三楹以臨之且紀其緣起於壁夫以茲樹之在滇者三而兩不存則其有於宇宙也亦僅矣考楊先生之文亦惟曰奇樹異花而詫為天宮分種固稔知其為瓊葩珠林之屬而未必久留於凡俗者矣乃數百年而戕於亂賊之斧斤又數十年而困於庸愚之隕穫卒之亭亭翼翼漸復舊觀是殆有護之者存而非人力所克致也為榜曰護花昭靈異且期後之人勿翦勿伐云爾若其色香狀似譌傳非一當及花時圖之貽海內好事者

白馬廟 在城西三十里清道光二十五年下西界士民建

煖露寺 在城北十里溫泉上 明督學楊師孔建 清咸豐間兵

燹燬光緒二年溫泉村士民重建

附明布政使郡人趙日亨煖露寺詩

琳宮高擁玉池頭萬壑網緼一鑑收慧日欲傾仙掌露法雲常帶瑞光浮  
洗開宿霧探龍藏幻出空明訝蜃樓不是聖慈流澤遠何緣近世有丹邱

雲濤寺 在溫泉左環雲巖旁清康熙二十六年總督范承勳巡撫

石琳王繼文按察使許弘勳建雍正志同治八年兵燹折毀同治十三

年住持覺安募修光緒志

火龍寺 在溫泉山頂安寧州志

青龍寺 在城北五十里李百戶村下安寧州志清咸同間兵燹焚燬過半

光緒二年北界士民重修光緒志

如是庵 在羅坡村安寧州志

圓覺庵 在城內大界鋪安寧州志

松濤庵 在城南門外庠生楊魁卉建安寧州志

金粟庵 在城南門外州人錢慶餘建寺右有慈照庵安寧州志

新纂雲南通志

卷一百十五 祠祀考七 寺觀二

淨土庵 在城南七街子安寧州志

能仁寺 在城西門內白華山安寧州志

水月庵 在聖水泉左州人楊鳳建安寧州志

般若庵 在曹溪寺下安寧州志

四休庵 仰翁樓 湯新樓 俱在溫泉安寧州志

萬松庵 在城北十里安寧州志

斗母閣 觀音閣 桂香閣 俱在城內太極山安寧州志

老君殿 五顯殿 俱在昊天閣旁郡人建安寧州志

念佛堂 在城內澄清坊旁有蓮花池清康熙二年貢生王宏道建

安寧州志

萬壽茶庵 一在城東里許一在城東二十五里安寧州志

海潮庵 在城東門外大菜園安寧州志

法華寺 在城東十里洛陽山宋大理段氏建中有遙岑樓登之可

覽一州之勝明楊慎以所得禹碑鏤之石壁雍正志寺後有正空亭安寧州志

附明御史安寧楊師程同宋侍御游法華寺詩道光志

蘭若閒閒看夕曛芙蓉片片削青雲山迴龍馬蜂腰合水帶螳螂燕尾分鳥跡千重神禹篆驚頭六字梵僧文登車乘興來游此勝賞還應屬使君

碧華庵 在城東十五里巡撫郭璫修安寧州志

朝陽寺 在城東二十里安寧州志一在舊三泊縣明嘉靖間建雍正志一在城

南史家莊安寧州志

麒麟寺 在城西南十里安寧州志

觀音寺 一在城西一里明萬曆間州人段西疇修一在馬廠安寧州志

華嚴庵 在城西明嘉靖間僧真心建安寧州志

新纂雲南通志

卷一百十五 祠祀考七 寺觀二

一四

半偈庵 在華嚴庵右明崇禎間建安寧州志

龍樹庵 在城西北十里葱山西明萬曆七年僧興遷建四十二年

僧明壽重修安寧州志

富那山 在葱山後安寧州志

馬鳴庵 在葱山西安寧州志

虎邱寺 在城北三里元時建明初布政使張統易名妙果郡紳楊

師程重修雍正志內有藏經閣天啓間楊師程建貯藏經安寧州志清康熙四

十七年知州高鈔重修萬木鬱葱殿閣層出為州治諸刹之冠雍正志

後有萬歲殿蟠桃閣安寧州志

聖瑞靈通閣 在虎邱寺後明天啓年郡紳朱化孚建安寧州志

一漚庵 在虎邱寺北里許明萬曆間僧廣義建左有龍應寺安寧州志



月林庵 在城東北八里許元時建相傳白鶴仙人飛昇處州安寧志

祿豐縣

石雲庵 在城東十里縣志有石如門昔人題云石門天塹雲南府志清同治

兵燬光緒初年羅鍾粟重修祿豐縣志

姬公廟 在城東極高聳後有文昌閣光緒志

白雲寺 在城東十五里元至正間建祿豐縣志

東華寺 在城東二十里明隆慶中建雍正志

圓通寺 在城東二十里元時建明郡紳王錫袞重修雍正志

朝陽寺 在城東三十五里路溪屯清道光二十二年貢生鮑培倡

修光緒志

龍角寺 在東河明末何氏建清咸豐八年燬於兵同治五年東河

新纂雲南通志

卷一百十五 祠祀考七 寺觀二

一五

士民建光緒志

文殊寺 在城東六十五里明僧海量建祿豐縣志

附明巡按姜思睿游文殊寺詩道光志

南國悠悠別有天每逢釋侶一談禪居人未築維摩室過客傳聞孺子賢  
丈六遠浮雲樹影大千猶是水瀉圓幾回笑指紅塵畫文寺山頭好息肩

靜樂寺 在城東一百里米苴明萬曆間建雲南府志

歸雲庵 在米苴彩鳳山明崇禎十七年僧靜性建清康熙二十年

僧寂能修雲南府志

高峯寺 在米苴白鶴山明僧性學建雲南府志

見龍寺 在米苴松坪山明僧如會修雲南府志

觀音閣 在城南十二里與石雲庵對光緒志

朝峯寺 在城南二十里兵燬清光緒十年邑人拓修光緒志

萬融寺 在城西五里明嘉靖間建祿豐縣志清道光二十四年僧宗級修

祿豐縣探訪

西靈寺 在城西七里祿豐縣志

淨蓮寺 在城西十里明僧海亮建雍正志

附明洱海道武昌徐穆游淨蓮寺詩道光志

曇花開削自當年簇簇羣峯擁淨蓮雲護玉根翻水藻日擎碧幹俯青天珠宮有翠空巾色紺字飄香象外禪誰似石頭參妙偈綠荷瓶裏露華鮮

大慈寺 在城西二十五里寶泉山元時建明天順間修清康熙三

十八年僧通乾修並建茶庵雲南府志

金山寺 在縣治西北明正德間建前有真慶宮後有桂香閣清康

熙間知縣王毓奇修為書院祿豐縣志

迴瀾寺 在城西北十五里層巖秀麗帶水潌洄明萬曆六年建雍正志

新纂雲南通志

卷一百十五 祠祀考七 寺觀二

一六

清光緒十年村民修祿豐縣探訪

三清宮 在城北明正德間建雲南府志

祝國寺 在城北科甲村祿豐縣志

石泉寺 在城北廣泉巖明萬曆間建後燬於兵清康熙間重建雲南府志

龍頂寺 在城北十五里明天順中建雍正志

北廟 在城北十五里兵燹燬清光緒七年村人移建光緒志

青蓮寺 在城北五十里姚陵光緒志明天啓間建清同治間兵燹光緒

四年宋天祥等重修祿豐縣探訪

案探訪尚有觀音寺諸天寺太和宮尖石寺天竺寺香林庵慈雲寺地藏寺龍泉寺燕山廟景樂庵圓覺寺天主堂清真寺禮拜寺俱在境內天主堂在宋糟東村光緒初年法國人建

### 昆陽州

揚光寺 在城內大智坊元至正十三年土知州高明建雲南府志

龍泉寺 在城東渠東里明成化初建雲南府志

北極宮 在城南金龜山雲南府志

寶泉寺 在城南明時建雲南府志

松風庵 在城西月山椒釋子真圓廬墓處舊有明楊慎碑記今廢

雲南府志

普照寺 在城西六里長松山元延祐間僧大休建雲南府志清光緒九年

州人遲樂道等重建正殿光緒志

附明楊慎游長松山普照寺詩道光志

木客園林傳地籟金仙樓殿接兜羅人間塵土山中少天際風煙海上多西嶠亭亭懸落日東流渺渺送微波他鄉良會真難得不惜樽前聽醉歌

香雲寺 在城西甸頭村明時建雲南府志

三清閣 一在城西蕭家營明天啓間郡紳蕭茂芳建清康熙間壞

新纂雲南通志

卷一百十五 祠祀考七 寺觀二

一七

於水州人韓大昌移建今地一在玉皇閣後康熙七年僧如論建

雲南府志

優曇寺 在城北四界太子莊雲南府志

興隆寺 在城北臥龍莊清康熙二十七年建雲南府志咸豐間兵燹燬光

緒十年州人李曜楊得恆重建光緒志

莊嚴寺 在城北仙鶴山明時建僧德潤修雲南府志

地藏寺 在城北白塔村下有龍潭可資灌溉雲南府志

碧泉庵 在城北柴廠雲南府志

廻瀾庵 在城北新村右庠生李本桂建雲南府志

社封寺 在城北茶卜墩雲南府志

同源寺 在城北中莊雲南府志

萬壽宮 在揚光寺右明時建清康熙間重修雲南府志

三元宮 在大智坊明嘉靖初建清康熙中修雲南府志

慈照寺 在城內居仁坊明正德初建清康熙二十六年僧性聰修雲南府志

雲南府志

玉皇閣 在城內月山巔明天啓三年貢生李登俊建清康熙間僧

如論如照續修雲南府志

大悲寺 在城東堡子屯元泰定間知州達魯花建俗名飛來寺清

康熙二十五年驛鹽道郭廷弼重修有蓮池頗稱名勝雲南府志

萬壽寺 在城西三里鳳儀山元延祐間僧了淵建至正間參政李

瑞重修雲南府志

靈光寺 在普照寺右三台山頂明時建雲南府志

新纂雲南通志

卷一百十五 祠祀考七 寺觀二

一八

聚雲閣 在城西步溪渡明時建雲南府志

華嚴寺 在城西北元時建一名大靈寺一統志

觀音閣 在城北明末燬於兵清康熙初重建雲南府志

鑰海寺 在城北海口明阮呈麟建雲南府志

彌勒寺 在城北李官村明貢生李登俊建雲南府志

徵元閣 在城北迎恩橋外明時建原名鎖水閣清康熙中知州蔣

廷銓重建易今名雲南府志

易門縣

高真寺 在城內明洪武中建雍正志清光緒六年重修光緒志

靜慧庵 斗母閣 竝在城內易門縣志清咸豐間兵燹同燬光緒志

玉皇閣 一在城東二里一在大龍泉一在太和川易門縣志

迴龍寺 在城東三里易門 縣志

永興寺 覺相寺 俱在城東四里小營易門 縣志

永甯寺 在大營易門 縣志

甯豐寺 在城東七里戴所易門 縣志

朝峯寺 在城東十里曾所易門 縣志

雙龍寺 聖佛寺 俱在城東十五里上江渠易門 縣志

鎮江寺 龍潭寺 俱在城東十五里下江渠有龍潭水甚清潔易門 縣志

孚佑庵 在城東二十里桑園村一名黑泥庵易門 縣志

南門寺 在城南二會正街相傳有白霞起其地建寺鎮之易門 縣志

化善寺 在城南四會奉盤龍禪師像易門 縣志

觀音寺 太平寺 普明寺 竝在四會易門 縣志

新纂雲南通志

卷一百十五 祠祀考七 寺觀二

一九

廣積寺 在城南五里梅花營易門 縣志

鎖水閣 一在城南河南營一在舊縣易門 縣志

石蓮寺 在城南十里上普貝易門 縣志

普善寺 在城南十三里下普貝易門 縣志

中興寺 在城南南莊易門 縣志

南峯寺 在城西南七十里甸末南山易門 縣志

天儲寺 在甸末倉上易門 縣志

保黎寺 在城西沙丈續易門 縣志

飛峯寺 在城西大龍口一竅通天之上雲南 府志

見龍寺 在城西北五十里易門莊易門 縣志

雲龍庵 在城西北六十五里太和川易門 縣志

宗鏡寺 在城北黃龍山宋名寶鏡寺元易今名雍正志

三元宮 在城北下北屯易門縣志

雲龍寺 在城北二十里山後寺前有清香樹數株為行旅憩息之

所易門縣志

海潮寺 在城北山後有泉一泓味清冽易門縣志

碧峯寺 在山後松林易門縣志

天然寺 在城北明萬曆中建雍正志

地藏寺 在城北四十五里迤棲易門縣志

龍慶庵 在城北一百五十里法本易門縣志

東山寺 在城東北四十里迤棲林幽徑曲頗有禪意易門縣志

按採訪城鄉尚有華嚴寺萬佛寺青龍宮翠竹庵五顯廟文殊寺興海庵黃龍寺慈慧菴永豐菴道德菴環雲菴法華菴望川寺慈雲菴通化菴昇龍菴東列大寺沙營大寺老平灘寺西樂菴李家廟馮家廟文廟青龍菴朝海寺萬嵩菴財神宮還元菴金華菴萬

新纂雲南通志 卷一百十五 祠祀考七 寺觀二

一一〇

壽寺清泰菴萬德菴掘泥菴福海菴靈官廟白衣閣壽恩寺天子廟報恩菴壽國菴淨性菴秀崧菴興隆菴石龍菴淨樂菴三官寺三元宮三聖宮文昌宮大佛寺奇峯菴

### 嵩明州

宗鏡寺 在城內黃龍山有古柏二株雲南府志

附明巡按玉溪劉臬夜次嵩明州黃龍山寺詩道光志

嵩陽蘭若何年創演國行馳此夕來鐘度海雲流下界塔橫山月傍中臺  
瑤龜夜靜明星斗玉宇秋清絕垢埃獨惜兵餘民未裕西成盈望亦康哉

興龍寺 在城東鳳儀村嵩明州志

地藏寺 在城東月峯里雲南府志

龍海庵 淨照庵 斗母宮 竝在城東阿古龍村嵩明州志

萬善庵 在城東龍舊村嵩明州志

圓通寺 在城東十五里大蔥山宋時建明正德中修雍正志 清光緒七

年小街士民重修光緒志

朝陽庵 在城東匡郎冲續嵩明州志

壽國庵 在城東三十里庵無水僧道心祈禱即出名僧泉嵩明州志清咸

豐八年兵燹燬光緒七年重修光緒志

祖師殿 在城東三十里小猴街續嵩明州志清同治十年士民重修光緒志

海潮寺 在城東三十里大鼎山明洪武中建羣山環翠一湖淪漪

大有奇觀雍正志寺頗清幽多竹木去寺半里道旁有毒泉碣云此係

毒水飲者傷生陳鼎演黔紀游年久傾圮今重修光緒志

附總督鄂爾泰返滇抵嵩明海潮寺有述道光志

東土由來只彈丸西歸剎那住蹒跚多情水惹雲千疊有節秋閒竹萬竿  
圖畫天然臨碧海叢林自在倚青巒塵勞暫憩翻知悔不作狸奴白首看

又羣官和過海潮寺詩用原韻申意

關塞風如視掌九跋行終許笑蹒跚常因暫寄三生石歸計難投六尺竿  
秋水雙旌驚翠羽斜陽疊樹帶纓纒身名到底都塵土留與閒人袖手看

新纂雲南通志 卷一百十五 祠祀考七 寺觀二

附常安和少保鄂公過海潮寺原韻

六幕雲開日一丸盤行石磴足蹒跚綠塵不動山千疊碧色無痕水幾竿  
滿地斜陽歸遠樹多年古剎倚層巒天然圖畫幽閒境勞客今從馬上看

拈花庵 在城東南三十里秀崧山右續嵩明州志

光華寺 在城南明隆慶間建雍正志年久傾圮清光緒七年士民重建

正殿光緒志

金山寺 在城南梨花村續嵩明州志清光緒九年村人重建光緒志

石麟庵 在城南八里茂禾村續嵩明州志

四大庵 在城南十里寺後有萬法觀水月庵續嵩明州志

斗母閣 在舊楊林所北街清咸豐九年兵燹燬光緒九年北街士

庶重建光緒志

九天閣 彌勒閣 觀音寺 太平寺 萬壽殿 高真觀 元天

閣 俱在城南三十五里舊楊林所嵩明州志

翠峯庵 在城西南四十里元時建嵩明州志

鳳谿寺 在城西七里雍正志清咸豐間兵燹燬光緒五年士民重建光緒志

普化庵 在城西十五里彌良里續嵩明州志

天化宮 在城西天橋谿洞上有石鳳遺跡續嵩明州志

太子閣 在城西六十里閣倚懸巖續嵩明州志清咸豐間兵燹燬同治十

年村人陸濟澤等重修光緒志

九華庵 在城北續嵩明州志即地藏寺清咸豐間兵燹燬光緒九年北街

土庶重修光緒志

篤本庵 在城北門外續嵩明州志

觀音寺 在城北山腳村雲南府志

新纂雲南通志

卷一百十五 祠祀考七 寺觀二

一一一

連珠寺 在城北十五里續嵩明州志

妙峯寺 在城東二十五里效古里雲南府志

知止庵 在城南門外續嵩明州志

安德寺 在城南十五里一名白龍寺嵩明州志清道光三年建嵩明縣採訪

白雲庵 在城西門外續嵩明州志

普賢寺 在城西邵甸里雍正志

曇花庵 在城西二十里續嵩明州志

法界寺 在城西北靈雲山元天曆中建雍正志

玉皇閣 一在城北門內一在大矣半村一在狗街一在阿古龍村

續嵩明州志